

- 36 ut Sacerdos Sacrum faciat capite cooperto usque ad confectionem, contrarium tamen est tenendum, tum quia Episcopus non dispensat contra Canones, & decreta Conciliorum generalium. Joan. Andr. & Hostien. in cap. 1. de Supplen. neglig. Prelat. Sylvest. Verb. Dispensatio quest. 11. tum etiam quia soli Papæ reservatum est concedere usus Pileoli in Missa, ut ex pluribus Decretis S. Congr. relatis à Gavant. d. part. 2. tit. 2. num. 2. à Biffo in Hierurg. Ecclæs. tom. 1. Verb. Biretum num. 109. à Barbola de Paroco cap. 11. num. 36. & à Quarto in Rubr. Missal. eadem part. 2. tit. 2. dub. 3. ubi in casu urgentis necessitatis, in quo recurus non sit facilis ad Sedem Apostolicam, atque scandalo cessante, videtur concedere non esse peccatum uti pileolo, usque ad confectionem; immò Gobat. in Theolog. Experiment. trad. 8. num. 680. ait, non esse illicitum patienti debilitatem capitis sacrum facere cum capillio assumptio, vulgò Perucca, si ita sit capiti Sacerdotis conformatum, ut ab aspicientibus habeatur pro naturali, ob eam rationem; quod Perucca non deponitur nec coram ullo Rege terreno; nec coram Rege sæculorum, quando Hic vel attollitur, vel sumitur in Sacramento. Cogitet pius Lector, an in Italia talis opinio sit ad praxim reducenda? & videat, quæ scribam infra Decif. L. n. 38.
- 39 Chineses quidem toto tempore Liturgiæ tenent caput reclusum, quia apud ipsos stare cooperto capite est signum honoris, & reverentiæ. Idem Gobat. trad. 3. num. 385. Decimum Notandum: Sacerdotes legis antiquæ nudis pedibus in Tabernaculo, atque in Templo ministrabant. Cornel. à Lapid. in Exod. ca. 30. vers. 19. & 20. Saliar. ad Annum Mundi 3444. num. 573. vel ad imitationem Moyfis, qui collocutus cum Deo in monte Sina iustus est deponere calceamenta. Exod. cap. 3. vers. 5. vel ad servandam munditiem pavimenti Sacri: ad quem effectum tenebantur lavare manus suas, ac pedes, quando ingreffi erant Tabernaculum, & accessuri ad Altare. Exod. d. cap. 30. vers. 20. ad quorum exemplum etiam nunc Turcæ, & Saraceni deponunt calceos, dum ingrediuntur Meschitas. Nostri vero Sacerdotes celebrant calceati, non nudi pedes, tum ob verecundiam, tum quia sunt milites Christi, quos decet esse calceatos; immò decretos, ut parati semper sint ad bellum contra demones, & ad evangelizandum, juxta illud Apostoli ad Ephes. cap. 6. vers. 15. Calceati pedes in preparationem Evangelii pacis; quamvis seculo contemptu, vel scandalo, nullum esse peccatum litare nudis pedibus, quia de hoc nullum reperitur præceptum, docent Suarez part. 2. disp. 82. sect. 3. Emin. Card. de Lugo de Eucharist. disp. 20. num. 102. & Laym. lib. 5. trad. 5. cap. 6. num. 14. Undecimum notandum, 41 prohibebantur Summi Pontifices, & Aaronici Sacerdotes suas vestes scindere. Levitic. cap. 10. vers. 6. & cap. 21. vers. 10. quocirca Caiphas, qui eas scidit, dum CHRISTUM interrogaret, peccavit in legem, & de eo sic notat Eminent. Card. Baronius ad Annum Christi 34. num. 73. Caiphas, lege contempta, quo ceterorum astantium animos in Christi perditionem magis, ac magis concitaret, furore quadam percitus, primus Summorum omnium Pontificum (quorum sit memoria) sic sua vestimenta concidit. Erat enim mos apud Hebræos ad ostendendum dolorem animi vehementem scindere vestes; ut fecit Jacob, cum sibi dictum fuisset, Josephum filium suum à fera pessima esse devoratum. Genes. cap. 37. vers. 34. & David, cum sibi nuntiata esset mors Saulis, & Jonathæ, 2. Reg. cap. 1. vers. 11. Et alii plures, etiam Gentiles, de quibus Menochius in Histor. Sacra lib. 7. cap. 10. num. 3.
- Sed dicit aliquis: Quomodo Judæi scindebant unico istu sibi vestes? Nonne sive lineæ, sive laneæ sint; ita fortes sunt, ut manibus hominis, teste ex-

perientia, frangi, rumpi, & scindi non valeant? Curiosæ huic interrogationi responderet tripliciter. Primò, quod scindere vestes nil aliud erat, nisi eas à pectore ad talos aperire. Sive enim clauduntur globulis, ut sunt vestes Prælatorum, & Presbyterorum; sive conglutinentur strophis; impetu manuum non est grave illas aperire; prout opinatus est Jo. Hieronymus Soprani de Re Vestiar. cap. 2. §. 10. Hæc secundò, quod Vestes erant è Serico pertenui, ut absque difficultate in frusta possent distripi. Vel tertio, quod in crumena cultros parvos, aut forcipes tenebant, quibus adhibitis vestes etiam laneæ, fortes, & duplices scindebantur.

Duodecimum tandem Notandum concernit eorumdem Summi Pontificis, & Sacerdotum alimenta, quibus sustentabantur; in defectu agrorum, quos possidere non poterant. Erant autem alimenta frequentia. I. Decimæ universales totius terræ Promissionis ex quibuscumque bladis, uvis, oleis, fructibus, herbis, lignis, ac artificijs; sed hæc decimæ exigebantur à Levitis non Sacerdotibus, apud quos remanebant pro eorumdem Levitarum sustentatione; soluta tamen decima parte earumdem decimarum ipsi Sacerdotes, qui secundum veriorum opinionem, de eadem decima decimæ competentem, magnamque portionem Summo Pontifici refundebant. S. Hieronymus. in cap. 45. Ezechiel. Joseph lib. 4. Antiquis. cap. 4. Ribera lib. 2. de Tempore cap. 2. Et Cornel. à Lapid. in lib. Num. cap. 18. Vers. 27. II. Stipendium erant Victimæ omnes, quæ de præcepto mactabantur in Sacrificio, quæ de præcepto comedendæ erant uxoriibus, ac filiis eorumdem Sacerdotum. Levitic. cap. 10. Vers. 14. & Deuterom. cap. 12. Vers. 18. & cap. 16. Vers. 11. III. Ultra victimas mactandas de præcepto fruebantur Sacerdotes hostiis, quæ ex devotione populorum, vel ex voto spontè erant ipsi ad sacrificandum elargitæ. Num. cap. 18. Vers. 11. & libi Cornel. à Lapid. IV. Habebant Primitias omnium fructuum. Differebant autem Primitiæ à Decimis; nam Primitiæ erant primi fructus Decimæ erant decima pars omnium fructuum. Quadruplè autem solvebantur Primitiæ. Primitiæ piccarum de secundæ Azymorum. Levitic. cap. 23. cap. 10. Primitiæ panum in Pentecoste. d. cap. 23. vers. 17. Primitiæ aliorum panum, quos dabant Sacerdotibus per singulas hebdomadas. Numer. cap. 15. vers. 21. Et Primitiæ in mensè septimo in festo Tabernaculorum de omnibus frugibus, tam exgranis, quam ex uvis. Cornel. à Lapid. d. cap. 18. Numer. vers. 12. ubi doctè advertit, quod licet harum Primitiarum quantitas non esset à Deo definita; tamen ex universalis consuetudine erat intra quadragesimam, & sexagesimam partem; itaut nisi Primitiæ essent majores quadragesima parte, non possent esse minores sexagesima. S. Hieronymus. in Ezechiel. cap. 45. Abulens. in cap. 18. Numer. quest. 142. & Ribera de Templo lib. 3. cap. 2. V. Stipendium Sacerdotum erant quæcumque Oblationes, de quacumque re, quæ sive ex voto, sive ex mera devotione Laicorum fiebant Templo, & ministri ejus. Numer. cap. 18. vers. 14. VI. Tandem Stipendium Aaronici Clerici erant Primogenita tum quoruncumque animalium, tum ipsorum hominum; cum his tamen differentiis; quod Primogeniti hominum redimebantur à genitoribus suis quicunque scilicet; unus autem scilicet erat lib. quinque; ut diximus supra Decif. XIX. num. 12. & notat Saliar. ad Annum 3545. num. 88. Primogenita animalium non immundorum, nempe Bovis, Ovis, & Capræ, non redimebantur;

bantur; quia litabantur Deo in Sacrificio, cum combustione Sanguinis, & adipis; ac carnes cedebant pro alimento Sacerdotum. Cætera autem Primogenita quoruncumque animalium immundorum, nempe Equi, Asini, & similibus redimebantur pecunia juxta æquivalentem eorum valorem; Et cum hæc primogenita essent multiplicia; magna etiam erat summa denariorum, quam Sacerdotes ex eis colligebant, & sibi ipsis appropriabant, ut differit Cornelius à Lapid. d. capitulo 18. Numer. vers. 16. & sequentibus. Et hi omnes erant redditus, quibus sustentabantur Levitæ, & Sacerdotes veteris Testamenti.

DECISIO XXIV. ARGUMENTUM.

De aliis Levitis, Caathitis, Gersonitis, & Meraritis, qui inserviebant Tabernaculo, ac Templo, & de eorum ministerijs. De urbibus Levitarum, atque eorum agris suburbanis, emptitiis, & votivis. De Nathinæis servis Tabernaculi, & Templi; ac de religiosis sectis Scribarum, Phariseorum, Saduceorum, Nazareorum, Rechabitarum, Essenorum, Assidæorum, Dositheorum, Hemerobaptistarum, & Herodianorum. Circa quos omnes Origo, Virtutes, ac Vitia demonstrantur.

SUMMARIUM.

- 1 Primogenita omnia à Deo sibi reservata. Et cur?
- 2 Tribus Levi mancipata Deo in ministerium sibi.
- 3 Levitæ numerati in deserto erant viginti duo milia.
- 4 Primogenitorum numerus major, quam Levitarum in deserto.
- 5 Levitæ destinati ad Divinum servitium, & quomodo consecrati?
- 6 Ritus, & Cereemonie ordo in consecratione Levitarum.
- 7 Levitæ per desertum deferebant totum Tabernaculum sacrum.
- 8 Levi habuit tres filios, Caath, Gerson, & Merari.
- 9 Tres familiae, seu Columnelli Levitarum, Caathitæ, Gersonitæ, & Meraritæ.
- 10 Moyses, & Aaron erant de progenie Caath filii Levi.
- 11 Sacerdotium Hebræorum firmatum fuit à Deo in progenie Aaroni; itæ omnes Sacerdotes erant de Tribu Levi; sed non omnes Levitæ erant Sacerdotes.
- 12 Delatio Tabernaculi, & Arca fœderis pro parte divisa inter Levitas.
- 13 Caathitæ tanquam nobiles portabant sanctiora de Tabernaculo: sed velis involuta.
- 14 Gersonitæ portabant operimenta Tabernaculi.
- 15 Meraritæ deferebant tabulas, & columnas Tabernaculi.
- 16 Levitæ per desertum excubias circa Tabernaculum tota nocte faciebant; & laudes Deo cantabant.
- 17 Levitæ ab anno trigesimo usque ad quinquagesimum serviebant Tabernaculo.
- 18 Levitarum munia sex post edificatum Templum.
- 19 Levitæ civitates 48. date ad habitandum; cum campis suburbanis passuum mille per agrum.
- 20 Levitæ habebant agros emptitiis, vel ex voto, aut pisi legatis relictos.
- 21 Levitarum divitiæ, & opes magnæ. De Sacrificio Missæ.

- 22 Nathinæi quinam essent, & cur Levitis servierent?
- 23 Fœdera ab antiquis fiebant prævio cibo, & potu.
- 24 Georgius Cornelius Episcopus Patavinus Anno 1644. quomodo pacificaverit homines septem Communium sue Diocesis?
- 25 Cardinalis Cornelius Anno 1697. de Legatione Lusitana vocatus à Papa Innocentio XII. ad Purpuram, & ad Episcopatum Patavinum.
- 26 Scribæ quinam essent in lege Mosaica?
- 27 Scribæ erant de omni Tribu, & quovis laici poterant explicare legem divinam populo, & num. 30.
- 28 Tribus Simeon quare dispersa inter alias Tribus?
- 29 Scribæ, & Rabbinii secundum aliquos erant de Tribu Issachar.
- 30 Templum an intrarent Scribæ, ut decreverit populum?
- 31 Synagoge erant ampla edificia, in quibus Scribæ explicabant Legem Divinam.
- 32 Scribæ, & Rabbinii in porticu Templi docebant populum.
- 33 Discipuli sedebant ad pedes Magistris, eo docente.
- 34 Scribarum ambitio, & vanagloria.
- 35 Concupiscere mulierem inuptam, peccare, & vindictam sumere, non esse peccatum Scribæ docebant.
- 36 Talmudici Rabbinii appellatur Chachamin.
- 37 Talmud liber quid continet ex Decano Criminalista, & publico Lectore in Archigymnasio Patavino?
- 38 Rabbinorum errores, & delicta 38. contenta in libro Talmud. & num. 40.
- 39 Talmudicos libros igne consumptos Venetiis Anno 1533. ex Decreto Excellent. Magistr. contra blasphemias.
- 40 Constitutiones Pontificiæ contra libros Talmudicos.
- 41 Pharisei quinam essent? Qui adoptarentur inter illos?
- 42 Collegia DD. Juristarum, & Philosophorum Paduæ non aggregant in se nisi Doctores Nobiles.
- 43 Phariseorum vitia, & errores.
- 44 Phariseorum secta subdivisa in alios sectas.
- 45 Phylacteria Phariseorum, quid essent?
- 46 Saducei quinam essent? Unde sic dicti? Quinam eorum errores?
- 47 Saduceorum secta amplissima, nam vergebat in Epicureismum, & Atheismum.
- 48 Nazareii quinam fuerint?
- 49 Nazareii servabant quinque regulas. Et quas?
- 50 Chenchra qui sint?
- 51 Nazareii fuerunt figura nostrorum Regularium.
- 52 Joseph Patriarcha an fuerit Nazareus?
- 53 Abalon an fuerit Nazareus? An sibi aliquando tonderet capillos?
- 54 Christus an fuerit Nazareus? An sibi aliquando tonderet capillos?
- 55 Rechabita quinam essent? Que eorum tria vota?
- 56 Monastica, & Regularis vita an ortum habuerit à S. Elia?
- 57 Rechabitarum mirabile experimentum jussu Dei factum.
- 58 S. Elias, & Eliseus emisserunt tria vota Religiosa.
- 59 Esseni quinam essent? Quando inceperint?
- 60 Eunuchos facere prohibitum erat Hebræis tum homines, tum animalia.
- 61 Esseni erant Monachi Christiani à S. Marco instituti.

